

CIPTA PELBAGAI VAKSIN AYAM

■ Dr Mohd Hair rangkul pelbagai anugerah, berjaya kawal, cegah virus serang ternakan



KARISMA

Zaitie Satibi
zalta@hmetro.com.my

Penyakit gumboro atau infectious bursal disease (IBD) yang menyerang ternakan ayam pertama kali ditemukan di Delaware, Amerika Syarikat (AS) sekitar 1950.

Penyakit ini disebabkan oleh sejenis birnavirus menyarkan tisu limfa atau bursa fabricius ayam yang memainkan peranan penting dalam fungsi sistem kekebalan halwan itu.

Ayam yang diserang akan hilang daya tahan, nafis cair, kelelahan, mengalami dehidrasi dan seterusnya menyebabkan kematian.

Wabak itu mendorong kumpulan penyelidik dari Universiti Putra

Bagi ayam yang tidak mati, pembesarnya terburant dan akan mati jika diserang penyakit lain.

Kematian ayam yang tinggi di negara ini akibat wabak penyakit itu sekitar 1990-an hingga menyebabkan kerugian jutaan ringgit.

"Bidang ini mengenal pasti punca penyakit dengan membuat diagnosis bagi mengetahui jenis agen pembawa penyakit.

Malaysia (UPM) diketuai Dekan Fakulti Perubatan Veterinar, Profesor Dr Mohd Hair Bejo membangunkan vaksin untuk ternakan itu.

Vaksin yang ada ketika itu tidak memberi perlindungan sepenuhnya kepada ayam menyebabkan wujudnya keperluan kepada vaksin baru.

Pelbagai uji kaji vaksin dijalankan bagi memastikan ia berhasil untuk mengawal dan mencegah virus yang menyerang ternakan.

Penyelidikan berkenaan membawa hasil apabila vaksin penyakit gumboro dikenali sebagai MyVAC UPM93 itu berjaya dicipta pada 1993 sebelum dikomersialkan pada 2005. Vaksin itu hanya perlu dimasukkan ke dalam air minuman ayam.

Pada 2015, satu lagi vaksin dikenali sebagai MyHatch UPM93 pula dikomersialkan dengan amalan pemvaksinan di tapak penetasan atau pemvaksin hari pertama ayam menetas dan ia kaedah yang lebih berkesan.

Kejayaan mencipta vaksin mencegah penyakit ayam turut digunakan beberapa negara Asia membolehkan Dr Mohd Hair, 58, merangkul anugerah Inovasi Merial Dalam Vaksinasi daripada Persatuan Veterinar Ayam Itik Sedunia (WVPA) yang berlangsung di Manila, Filipina, pada 2016.

Beliau individu kedua memenangi anugerah itu yang diperkenalkan pada 2015 dan diberikan kepada ahli veterinar ayam itik atau ahli sains kesihatan unggas yang memberi sumbangan bermakna dalam bidang inovasi serta vaksinasi ayam itik.

Sebelum membuat kajian menghasilkan vaksin mencegah penyakit ternakan ayam yang lebih berkesan, Dr Mohd Hair berkhidmat sebagai pakar veterinar di klinik haiwan dan merawat haiwan peliharaan seperti anjing serta kucing.

"Insiden wabak penyakit gumboro mendorong saya menggunakan pengetahuan dan kemahiran dalam patologi veterinar.

Kejayaannya menghasilkan vaksin baharu mendorong Kementerian Pertanian dan Industri Asas Tani melancarkan MyVAC UPM93 dan MyHatch UPM93 IBD untuk tujuan komersial.

METRO AHAD

"Kami sangat prihatin terhadap kesan penyakit ini berikut industri ayam antara yang terbesar dijalankan di negara ini. Jika penyakit ini tidak dikawal, kesannya membawa mudarat terhadap industri berkenaan.

"Pada waktu itu tiada vaksin khas untuk virus penyakit berkenaan. Oleh itu, sesusah perlu dilakukan untuk mengawal dan mencegah virus daripada tersebut," katanya.

Dr Mohd Hair mendapat sijil Doktor Perubatan Veterinar dari UPM pada 1985 dan sempat bertugas sebagai pakar veterinar selama setahun setengah sebelum melanjutkan pengajian doktor falsafah dalam bidang patologi veterinar di Universiti Liverpool, England, pada 1987.

Beliau memilih patologi veterinar kerana minatnya mengenal pasti punca menyebabkan haiwan jatuh sakit.

Sebaik tamat pengajian, beliau bertugas sebagai pensyarah di Jabatan Patologi dan Mikrobiologi Veterinar, UPM pada 1991.

Dua tahun kemudian beliau membuat latihan kedoktoran dalam bidang patologi unggas di Universiti Georgia, AS.

Selain mengajar, Dr Mohd Hair aktif melakukan penyelidikan dan perkhidmatan profesional terutama dalam bidang veterinar dan patologi unggas serta bioteknologi dan vaksinologi haiwan.

Memperoleh dana bagi mengetuai projek penyelidikan, di samping menjadi sebahagian ahli pasukan untuk beberapa projek lain dan terbabit dalam penyelidikan kerjasama dengan syarikat dalam industri berkaitan.

Sepanjang kerjayanya selama 26 tahun, beliau banyak menyumbang kepada komuniti saintifik terutamanya berkaitan dengan vaksinasi burung.

"Insiden wabak penyakit gumboro mendorong saya menggunakan pengetahuan dan kemahiran dalam patologi veterinar.

"Bidang ini mengenal pasti punca penyakit dengan membuat diagnosis bagi mengetahui jenis agen pembawa penyakit.

"Dalam kehidupan ini ada banyak cabaran, tetapi apa yang penting adalah bagaimana kita bertindak balas dan menyesuaikan diri dengan setiap cabaran

Dr Mohd Hair Bejo

METRO AHAD



DR Mohd Hair (tiga dari kanan) menerima Anugerah Merdeka disampaikan Sultan Perak, Sultan Nazrin Muizzuddin Shah (empat dari kiri) selaku Penaung Diraja Lembaga Pemegang Amanah Anugerah Merdeka.

cabaran supaya lebih berjaya dalam kehidupan:

"Sebab itu, saya suka apa yang saya buat (penyelidikan) dan sebagai ahli akademik akan mencurahkan segala ilmu pengetahuan dan kemahiran untuk kebaikan manusia sejagat," katanya.

Beliau turut membentangkan hasil kerjanya dalam persidangan di seluruh dunia.

"Selain kasih sayang, mereka juga menerapkan nilai-nilai keimanan dan takwa ke dalam diri anak-anak. Kejayaan saya ini juga adalah berkat doa mereka yang sentiasa mengambil berat masa depan anak-anak."

"Selain kehidupan ini ada banyak cabaran, tetapi apa yang penting adalah bagaimana kita bertindak balas dan menyesuaikan diri dengan setiap cabaran."

"Saya juga terhutang budi dengan guru sekolah yang banyak membimbing dan memupuk ciri kepimpinan yang mantap, berwibawa dan berkesan dalam diri saya," katanya.

"Sewajarnya kita melihat cabaran itu sebagai peluang dan berusaha untuk mengungguli setiap



TURUN padang melawat reban ternakan ayam.



SESI mendiagnosa penyakit ayam kepada pelajarannya.

Penggunaan vaksin ini akan mengurangkan penggunaan atau penyalahgunaan antibiotik dalam industri ternakan ayam dan seterusnya mengurangkan risiko kerintangan antimikrob (AMR) iaitu kemunculan ancaman kesihatan sedunia.

Dr Mohd Hair juga berharap meneroka penggunaan teknologi hijau dan nanoteknologi untuk menghasilkan ayam ternakan yang lebih selamat serta sihat.

Beliau juga menemui kaedah dalam penggunaan liposom kationik menggunakan nanoteknologi untuk meningkatkan penyampaian vaksin dan penggunaan anolit (elektrolit) menerusi teknologi hijau.

Atas peranannya dalam penghasilan makanan yang lestari menerusi pembangunan dan pengkomersialan vaksin terhadap penyakit gumboro yang menyerang ayam sekali gus memanfaatkan industri berkenaan di Malaysia dan antarabangsa, beliau menerima Anugerah Merdeka 2018 anjuran PETRONAS, ExxonMobil serta Shell, baru-baru ini.

Beliau menerima trofi Anugerah Merdeka berserta sijil dan wang tunai, selain diberi penghormatan untuk dicatatkan dalam sejarah negara bersama 42 individu dan dua organisasi yang pernah menerima anugerah berkenaan sebelum ini.

Buat terbaik, jadi terbaik

1. Aktiviti masa lapang? Membaca

2. Makanan kegemaran? Rendang

3. Tip kesihatan, senaman rutin? Jogging dan jaga pemakanan.

4. Impian yang ingin dicapai? Menghasilkan lebih banyak vaksin yang dapat dikomersialkan.

5. Pendorong? Ibu bapa

6. Tokoh dikagumi? Tun Dr Mahathir Mohamad

7. Prinsip hidup? Buat yang terbaik untuk menjadi yang terbaik dan lihat cabaran sebagai peluang